

ԴՐՈՇՆԻԿ

Հ.Յ.Դ. ԲՈՒՐՈՅԻ
ՊՐԻՆԿԻՍԻՍ
A.R.F. BUREAU
LIBRARY

„ՀԱՅ ՅԵՂԱՓՈՒՍԱԿ. ԴԱՇՆԱԿՑՈՒԹԵԱՆ“ ՕՐԳԱՆ

Սեպտեմբեր: 91թ.

Ամեն մի քաղաքական կուսակցութիւն՝ դադարի համար կռիւ սկսելով կարող է յաջողութեան կամ ան- յաջողութեան յոյս ունենալ միայն այն ժամանակ, երբ կան հետեւեալ երկու անհրաժեշտ պայմանները.

1) Եթէ ժողովուրդը, որի շահերի համար մղվում է կռիւր, հասկանում է այդ կռուի անհրաժեշտ լինելը եւ մասնակցում է այդ կռուին թէ ուղղակի եւ թէ ան- ուղղակի կերպով՝ դոնէ ի դէմս իւր ամենալաւ ներկա- յացուցիչների:

2) Եթէ կռուի համար ընտրուած են այնպիսի նպա- տակայարմար ձեւեր եւ միջոցներ, որոնք բոլորովին համապատասխան են ներկայ իրականութեան եւ պատ- մական րոպէի պահանջած պայմաններին:

Առաջին պայմանը, բարեբաղդաբար, մեզնում կայ. Հայ ժողովուրդն արդէն ապացուցեց, որ հասկանում է տաճկական անարդ լծից անգատուելու անհրաժեշտու- թիւնը, թէեւ դրա համար պէտք լինի զոհել նոյն իսկ իւր ստացուածքն ու կեանքը: Հայ ժողովուրդն այդ ա- պացուցեց մասսային ցոյցերով Կարիւնում ու Պոլսում եւ մի շարք անհատական ու խմբովին յեղափոխական ձեռ- նարկութիւններով:

Ուրեմն ասել թէ Հայ ժողովուրդը գիտակցօրէն ըմ- բռնել է արդէն կռուի անհրաժեշտութիւնը՝ դեռ ջիշ է: Նա ոչ միայն հասկանում է այդ, այլեւ մինչեւ անգամ իւր այդ գիտակցութեամբ առաջ է հայ ինտելիգէնցի- ալից: Իսկապէս ասած՝ ինտելիգէնցիան միայն արձա- դանք տուեց ժողովրդի պատերազմական կոչին, որ լս- ուեց անակնկալ կերպով: Այն՝ ինչ որ սպասում էին ա- պագայում, թէեւ մօտ ապագայում, կատարուեց այս- օր, եւ այն էլ այնպիսի ազդու ձեւով, որ վերջ տրուեց բոլոր կասկածներին, եւ մինչեւ անգամ ամենաթերա- հաւատներն իսկ համոզուեցին, որ վիճակ դցուած է, Ռուսիկոնն անցկացած, — որ հայկական յեղափոխու- թիւն սկսուած է:

Ի՞նչ պէտք է անէր այն ինտելիգէնցիան, որ ճանա- չում է իւր պատմական կոչումը՝ — ծառայել ժողովրդ-

դի — աշխատաւոր մասսայի շահերին: Նա պէտք է շտա- պէր ժողովրդի կոչին, նա պէտք է դնար իւր գիտու- թեան պաշարով անակցելու ժողովրդին այդ դժուար րոպէում եւ կազմակերպելու այն կռիւր, որ սկսուած էր ժողովուրդը դարաւոր ճնշման ու անարդարութեան դէմ: Եւ ինտելիգէնցիան յետ չմնաց ժողովրդից հե- հեւեց նրան:

Այդ հանգամանքը նոր շարժման ամենաբնորոշ եւ խորհրդաւոր կողմն է, նրա յարատեւութեան եւ յաջո- ղութեան ամենամեծ գրաւականն է:

«Բազումք են կոչեցեալք, բայց ստիպուք ընտրեալք»:

Իրաւ է, բոլոր ինտելիգէնս գործիչները մինչեւ վերջը չեն հասցնել գործը, շատերը գուցէ կանգ կ'առ- նեն կէս ճանապարհին, կամ հէնց ճանապարհի սկզ- բին, — բայց այդ ոչինչ. այն ժողովուրդը, որ հասել է կռուի անհրաժեշտութեան գիտակցութեանը եւ կարողացել է իւր վրայ առնել այդ կռուի՝ որքան ծանր, եւ նոյնքան փայլուն նախաձեռնութիւնը, կը կարողանայ իւր միջից դուրս բերել իրար յետեւից նորանոր ին- տելիգէնս ոյժեր, որոնք ընդունակ կը լինին վճռել յե- ղափոխական շրջանի (էպօխա) խնդիրները:

Անցնենք երկրորդ պայմանին:

Ամենից առաջ պէտք է ի նկատի ունենալ, որ մեր կռիւր՝ ժողովրդի կռիւ է նրա դարաւոր բռնակալների դէմ: Իբրեւ ժողովրդական կռիւ, նա չի կարող կանո- նաւոր զօրքերի վարած պատերազմի ձեւ ունենալ. ի հարկէ եթէ մի արտակարգ դէպք չպատահի: Մտա- խարուսթիւն է երեւակայել թէ Տաճկա- Հայաստանում կամ նրա սահմաններում կարելի է պատրաստել ու կազ- մակերպել մարտնչող դնդեր, նոյն իսկ ամբողջ զօրք, որ մի օր յառաջ կը խաղայ վճռական ճակատամարտ տալու, եւ այդպիսով կը սկսի եւ կը վերջացնի հայրե- նիքի ազատութեան գործը:

Ո՛չ, Հայ ժողովրդի կռիւը պէտք է պարտիզանական կռիւ լինի. մենք մեր այժմեան դրութեան մէջ ուրիշ կերպ կռուել չենք կարող. կանոնաւոր պատերազմ, իսկական ճակատամարտներ անհնար են մեզ համար:

Այդ է թելադրում մեզ առողջ դատողութիւնը եւ այդ է սովորեցնում մեզ նոյն իսկ ուրիշ ազգերի—Բուլղարների, Իտալացիների, Յոյների պատմական օրինակը: Այդպէս պէտք է կռուենք եւ մենք դոնէ մինչեւ այն ժամանակ, երբ կարտիզանական կռուի ջոկ-ջոկ ակիբները միախառնուելով կը կազմեն ժողովրդական ապստամբութեան յորդանոս հեղեղը, որ կը սրբի կը տանի իւր հետ Հայաստանի երեսից ստրկութեան, աղքատութեան, անարդարութեան դարաւոր կնիքը...

Այդ պարտիզանական պատերազմի նախաձեռնողները կը լինին ժողովրդից դուրս եկած մարտնչող մարդիկ, որոնք միայն ձեւ են փնտրում արտայայտելու իրանց հրաշալի զգացմունքները, ոյժերն ու ընդունակութիւնները:

Այդ ձեւը—հրոսակային (հայդուկային, աւազակային) խմբերի կռիւը—կը թելադրեն ժողովրդին եւ կը ժողովրդականացնեն՝ յեղափոխական ինտելիգէնցիայի ներկայացուցիչները:

Շատ մեծ դեր են խաղացել հրոսակային խմբերն այս դարում ազատուած մանր ազգութիւնների պատմութեան մէջ. այդպիսի մեծ դեր կարող են եւ պէտք է խաղան նրանք նաեւ մեզ համար: Ախոյեան հանդիսանալով ամէն տեսակ բռնաւորների դէմ՝ սկսած սատրապ աստիճանաւորից մինչեւ քիւրդ աւազակը մի կողմից եւ արիւնարբու հարկահանի ու վաշխառուի դէմ միւս կողմից, այդ խմբերը՝ ապաղայ պատմութեան կենդանի դրօշակներ կը լինին: Պարտիզանական յարձակումներ գործելով բռնաւորների վրայ, պաշտպանելով ճնշուածներին, նրանք կ'ելէքարականացնեն ժողովրդի միտքն ու զգացմունքը, կռուի կենդանի օրինակներ կը տան ժողովրդին եւ այդպէս մասամբ դադափարական կերպով, մասամբ իրականապէս կը ժողովեն իրանց շուրջը եւ կը կազմակերպեն կռուելու փոքրիշատէ ընդունակ բոլոր տարրերը:

Այդ ոյժերը կանոնաւոր կերպով կազմակերպելու եւ ամբողջ Հայաստանում այդ խմբերի միջեւ մի ընդհանուր կապ հաստատելու համար օգնութեան կը հասնի ինտելիգէնցիան, որ գլխաւորապէս պէտք է զբաղուի հէնց յեղափոխական ոյժերի կազմակերպութեամբ: Ապստամբութեան դադափարը քարոզելու նա պէտք է լինենալ: Տաճկաստանի այժմեան կառավարութեան ձեւը ամենալաւ քարոզիչն է այդ դադափարի: Ինտելիգէնցիան միայն պէտք է որոշի յեղափոխական դրական իդէալները եւ կազմակերպի եղած յեղափոխական ոյժերը:

Եւ այդ կազմակերպութիւնը զլուխ դայ, այնուհետեւ կը հեշտանայ ժողովրդին դէնք մատակարարելու եւ ինքնիրան կը վճռուի թէ ընթացիկ կռուի եւ թէ ապստամբական շրջանի բոլոր միջոցների հարցը:

Իսկ այդպիսի միջոցներ փնտրելու կարեւորութիւն չկայ—յեղափոխական տեխնիկայի մէջ այդ հարցը վաղուց վճռուած է: Մենք անյարմար ենք համարում կանգ առնել այդ հարցի վրայ:

Յեղափոխական հարուստ տեխնիկայով՝ զինուած դադափար կազմակերպութեան տարածումն ու դարձացումը բնականաբար առաջ կը բերի աւելի յաճախ կըրկնուող խմբային ցոյցեր տաճկական բռնակալութեան դէմ, որոնք մի կողմից կը դաստիարակեն ժողովրդի յեղափոխական ոգին, միւս կողմից կը քայքայեն Տաճկաց տէրութեան՝ առանց այն էլ խախտու կազմը:

Եւ երբոր յեղափոխութեան պարտիզանական կրուուի ակիբները կ'ողողեն ամբողջ Տաճկական—Հայաստանը, երբոր նրանք անվերանորոգելի ճեղքեր կը բանան Տաճիկ տէրութեան խախտու շինուածքի մէջ, երբոր վերջապէս Եւրոպան կը տեսնի, որ Տաճկաստանի խաղաղութիւնն անդառնալի կերպով խռովուած է երկու անհաշտ՝ մինչ արեան վերջին կաթիլը մաքառիլ վճռած թշնամիների կռուով, երբոր նա կը տեսնի, որ Տաճկաստանում իւր գործ դրած դրամադուլտները վրնասվում են եւ կորչելու վտանգի են ենթարկվում եւ երկայժը բոցավառուելով կարող է եւրոպական զարհուրելի հրդեհի պատճառ դառնալ,—այն ժամանակ կը դայ վճռական բոլէն եւ ամբողջ ժողովուրդը իբրեւ մի մարդ, մի հողի ոտի կը կանգնի եւ գէնքի ոյժով ձեռք կը բերի իւր մարդկային իրաւունքները, այն իրաւունքները, որ այսքան դար անխիղճ կերպով ոտնակոխ են արել տաճիկներն ու քրդերը:

Տաճիկ կառավարութիւնը չի կարողանալ խեղդել յեղափոխութիւնը ո'չ նրա առաջին շրջանում, ո'չ էլ վերջինում: Ապակեղրոնացման, (դեցենտրալիզացիա) ու տեղական ինքուրոյն նախաձեռնութեան վրայ հիմնուած յեղափոխական կազմակերպութիւնը՝ իբրեւ հարիւր գլխանի վիշապ կը գործի ամեն տեղ եւ ամեն տեսակ ձեւերով ու հնարքներով: Նա կը մտցնի իւր աւելի գէնքը թէ քաղաք եւ թէ դիւր, թէ կաշառակեր աստիճանաւորների եւ թէ արիւնարբու վաշխառուների շրջանը, մի խօսքով նա սրով ու հրով կը ջնջի ժողովրդի բոլոր թշնամիներին ու բռնակալներին: Ի հարկէ արիւնահեղ փորձեր եւս կը լինին յեղափոխական վիշապին սպանելու, բայց իզուր—մի կտրուած գլխի տեղ կը բուսնեն հարիւրաւոր գլուխներ, մի կալանաւորուած ու ջարդուած խմբի տեղ՝ յարութիւն առած ու ինքնազործունեայ ժողովուրդն առաջ կը բերի հարիւրաւոր նոր խմբեր: Շատ արիւն կը թափուի, շատ աչքեր կ'արտասուեն, բայց մի՞թէ այժմ արիւնը արտա-

սուք են ողորդում Հայաստանի հովիտները, եւ վերջապէս ի՞նչ արած որ այժմեան մարդկութիւնն առանց արիւնային վարձատրութիւն ստանալու ազատութիւն չի տալիս ոչ ոքի: Եւ մեր ժողովուրդը կը վճարի այդ վարձը, այդ պարտքը՝ ոգեւորուած այն մտքով, որ վիճակն արդէն դշուած է եւ յաղթութիւնը իւրնէ լինելու, եւ միայն իւրը:

ԽՄԲԱԳՐՈՒԹԵԱՆ ԿՈՂՄԻՑ

«Դրօշակ»-ի անցեալ համարում մենք գրել էինք, որ մեր այժմեան պահանջները մօտաւորապէս նոյն են, ինչ որ յայտնուած են Ներսէս Պատրիարքի ծրագրում:

Որովհետեւ այդ բառերը տեղիք են տուել թիւրիմացութեան, մենք կարեւոր ենք համարում յայտնել, որ մենք այդ գրելով աչքի առաջ ենք ունեցել այն դէպքը, եթէ Սուլթանը իւր բարի կամքով մտցնի Տաճկական-Հայաստանում Ներսէս պատրիարքի ծրագրում պահանջուած բարենորոգութիւնները, որ շատ անհաւանկան է: Սուլթանը իւր վարմունքով օրէցօր աւելի է համոզում ամենքին, որ Տաճկական-Հայաստանի համար ապստամբութիւնից դուրս փրկութիւն չկայ:

ՆԵՐՔԻՆ ՏԵՍՈՒԹԻՒՆ

Տաճկահայերի տրամադրութիւնը.

Յեղափոխական գործի համար ամենաառաջնակարգ ուղանակութիւն ունեցող հարցն այն է, թէ ի՞նչպէս է վերաբերվում ժողովուրդը դէպի յեղափոխական գործը: Եթէ մի երկրում գոյութիւն ունի յեղափոխութեան բոլոր միւս պայմանները, բայց բացակայում է ժողովրդի բարեյաջող տրամադրութիւնը, եթէ մի տեղ ժողովրդի ահազին մեծամասնութիւնը, չիմ ասում թշնամարար, անտարբեր է վերաբերվում դէպի յեղափոխական գործը, այնտեղ միջանի սերունդ գործիչների անընդհատ աշխատանք է պահանջվում նպատաւոր տրամադրութիւն ստեղծելու համար: Բարեբաղդարար այսօրուայ հայ յեղափոխական գործիչն ազատուած է այդ նախապատրաստուած գործունէութիւնից. մեր վերջին տասը-քսան տարուայ պատմութիւնը, տաճկական իշխանութեան անտանելի պայմաններն այսօր առաջ են բերել մի յեղափոխական ազգաբնակչութիւն, որ միայն աջող հանգամանքի է սպասում թօթափելու իրանից տաճկական լուծը:

Այսպէս կարծելու մեզ իրաւունք են տալիս Տաճկական-Հայաստանից հասած բազմաթիւ տեղեկութիւնները, այդպիսի սպաւորութիւն դուրս են բերել եւ մեր գործակալները, շփուելով տեղական ժողովրդի հետ:

Այստեղ առաջ ենք բերում մեր գործակալներից մէկի հաղորդածը: «Դաշնակցութիւնը» նրան մի ուրիշ յանձնարարութիւն էր տուել, որին գլուխ բերելու համար, հարկաւոր էր մի քանի մարդկանց աջակցութիւն: Կազմուեց մի խումբ: Ուումբը՝ բաղկացած եօթ զինուած մարդուց, անցաւ սահմանը. հարկաւոր էր անցնել թշնամիների միջով. սահմանի վրայ նրանց սպասում էր սահմանապահ զօրքը, երկրի խորքերում էլ զափթիւնները եւ, որ ամենագլխաւորն է, մահաեղական կատաղած ազգաբնակչութիւնը, եւ այս բոլորի միջով պէտք է անցնէին եօթ զինուած հայեր. մարդիկ, որոնք շատ քիչ էին ծանօթ երկրին եւ տեղական հանգամանքներին, եւ ի՞նչ էք կարծում. ամբողջ մի ամիս ու կէս խումբը մնաց այդ երկրում, անցաւ ահազին տարածութիւն, անցաւ տասնեակ գիւղեր, պատահեց հազարաւոր մարդկանց եւ ամբողջ ժամանակ համարեա ո՛չ մի մատնութիւն, ո՛չ մի վատութիւն չեղաւ հայերի կողմից. խումբը կատարեց իւր վրայ դրած յանձնարարութիւնն առանց փորձանքի ու անվտանգ հասաւ իւր տեղը: Դա կարելի՞ բան էր, եթէ նրանց նպաստած չլինէր տեղական հայ ազգաբնակչութիւնը. եւ իրօք առանց հայերի աջակցութեան մեր մարդիկը մի քայլ անգամ անկարող էին անել իրանց համար մի անծանօթ երկրում: Մերոնց ընդունում էին իրանց տներն առանց տարակուսանքի ու կասկածի, պահում պատսպարում էին, ճիւղ էին թափում նրանց ամեն մի յարձարութիւն տալու, առաջնորդում էին գիւղից գիւղ (ի հարկէ առանց վարձատրութեան). եւ գիտէ՞ք ինչ քայլ էր նշրանց արածը. այդ այն քայլերիցն է, որի համար մարդկանց կիզիչ Արաբէայի խորքերն են տանում: Մեր մարդկերանց զնալուց մի ամիս առաջ Տաճիկ կառավարութիւնը սաստիկ սպառնացել էր այն ամեն մէկին, որ ապաստարան կամ որեւիցէ գիւղութիւն կը տայ «Ընկերութեան» մարդկանց, եւ այդ մտքով ստորագրութիւն էր վերցրել գիւղի իշխաններից:

Մտնենք մի քանի մանրամասնութիւնների մէջ:

Մեր մարդիկ, իջնելով մի որեւէ գիւղացու մօտ, պատուիրում էին նրան ծածուկ պահել միւսներից: Այդ երբեմն, թէեւ քիչ անգամ, յաջողվում էր նրանց: Այսպէս պատահեց եւ գիւղում: Մերոնք գիշերեցին մէկի մօտ եւ դուրս եկան գիւղից ջնկատուած ոչ ոքից: Վերադարձին մեր մարդիկ անցան նոյն գիւղով եւ մնացին նոյն մարդու մօտ: Տանտէրը պատմել էր թէ նրանց հեռանալուց յետոյ գիւղումն իմացել էին եւ գիւղացիք սաստիկ անբաւական էին մնացել իրանից, ասելով՝ «ինչ է, մենք անօրէն ենք, ջիւրը ու տաճիկ ենք, որ մեզնից կը ծածկէիր, կամ քեզնից վա՛ր ա հայ ենք»:

Յաճախ բանն իսկոյն բացվում էր եւ այն ժամանակ մեր ընկերներէ իջած տեղն աւելի մի ուխտատեղի էր նըմանում: մէկը մտնում էր, միւսը դուրս գալիս եւ այսպէս շարունակ: մերոնցից մէկը մի գիւղում հետեւեալ դէպքին է ահանատես եղել, մէկն՝ իմանալով մերոնց պալուստը, ընկել է գիւղը գողալով՝ «տղերք դուրս եկէք: Ահեց տունը երկնքից լոյս է իջել»:

Գալիս են հաւաքվում եւ սկսվում է խօսակցութիւն: Սոսակցութեան ամենառաջին եւ ամեն տեղ կրկնուող նիւթնէ. «Ի՞նչ կ'ընէ, ի՞նչ կը խորհէ մեր մասին, «Ընկերութիւնը»: Ի՞նչու չի գար մեզի օգնելու. չգիտէ՞ նա մեր աեւ օրը, չգիտէ՞ մեր ցաւը», եւ սկսվում են դանդաւաններ, անվերջ գանգատներ իրանց դրութեան վերաբերմամբ տածիկ ու քրդի ձեռքից: Եւ ի՞նչպէս չը դանդաւանեն. չկայ մէկը, որի գլացմունքները խորը կերպով վիրաւորուած չլինէին այդ բարբարոսներից Ամենամեծ սպաւորութիւն է թողել մերոնց վրայ մի գիւղացի: «Տեսնո՞ւմ էք այս մատները, ասել է նա, հանելով ծոցի ջսակից մի քանի չորցած մատներ. սըրանք իմ եղբոր մատներն են, որին քրդերն իմ աչքի առաջ մորթեցին եւ ես չեմ հանգստանալ, մինչեւ չթափեմ թշնամիներն արիւնը. ես այդ ուխտել եմ եւ այս մատները պիտի ամեն օր յիշեցնեն ինձ իմ ուխտը»:

Ուր որ գնաք, որտեղ էլ ոտք կոխէք, ամեն տեղ մի եւնոյն լացուկոճի ձայնը կը լսէք. ամեն տեղ մեծ ու փոքրին վրէժխնդրութեան ոգին է տիրապետել. այսին, գիւղից քչել տարել են Միսոյի ոչխարները, միւս տեղ վիրաւորել են Սարգսին, մի երրորդ տեղ սպանել են Ստեփանին, անպատուել կնոջը, փախցրել մատաղահաս աղջկան, եւ այլն եւ այլն...

Այսպէս՝ շրջապատում էին մերոնց գիւղացիք եւ ամեն մէկն ուզում էր իւր դարձը պատմել. եթէ տանտէրը չլինէր, քնելու անգամ ժամանակ չէին տալ: Բայց տանտէրը հիւրերին հանգստութիւն տալու համար յաճախ ստիպուած էր լինում փակել դռները. բայց էլի հնար չէր լինում եկողներից ազատուելու: «Աղբար դուրս բաց, քիչ մը նայենք», կրկնում էին բախելով դուռը եւ դալիս էին ոչ միայն տղամարդիկ, այլեւ կանայք: Այս վերջինները գուլպաներ էին ընծայ բերում, իրանց ծառայութիւնն էին առաջարկում-լուսնալ, կարկատել մերոնց շորերը:

Մեր դորձական ընտրում էր իջեւանելու համար զուտ հայկական գիւղեր, բայց եւ այս վերջիններում երբեմն պատահում էին քրդեր. այսպէս գիւղերից մէկում պահապանը քրդեր էր. դա մի կերպ հասկանում է, որ եկողներն «Ընկերութեան» մարդիկ են: Իսկոյն մի քրդի պետի միջոցով իմացնում է հարեւան գիւղի քրդերին. այդ քրդերը պատրաստվում են յարձակումն գոր-

ծելու. այս գիւղից մի հայ շտապում է այն գիւղը, ուր իջել էին մերոնք եւ հաղորդում է սպառնացող վտանգը: Ամբողջ գիւղը տակնուվրայ է լինում. բարձրանում է կանանց լաց ու աղաղակը, տղամարդիկ դուրս են թափվում տներէից՝ որը դազանակ ձեռին, որը, գերանդի, մի քանիսն էլ հրացան: Այստեղ ի դէպ է ասել, որ գիւղերից շատերում հայերը քրդի այնալուրի դէմ, ունին մի այն նահապետական դադանակն ու գերանդին, բայց ժողովուրդը տեսնային կերպով ձգտում է գինուելու. ամենքն էլ ծախում են ամենամահաբաժնա իրեղէնները եւ դրացից ստացած դրամը գէնքի տալիս: Պատահել են գիւղեր, ուր գիւղացիք բաւականաչափ զինուած են եղել. բայց տարբարադարձար այդպիսի գիւղեր բացառութիւն են կազմում. գլխաւոր արգելքը—նոր ձեւի հրացանների չափազանց թանկութիւնն է: Եւ ո՞վ ձեռք է բերում մի այդպիսի հրացան, նա իւր աչքի պէս է պահում: Միայն են այն կասկածները, իբր թէ հրացաններ ձեռք բերելը մի վաճառանակական գործ է, իբր թէ էժան գնում են եւ թանկ ծախում քրդերին. այսպիսի դէպքեր շատ չնչին բացառութիւններ են եւ այդպիսիները սաստիկ հալածվում են հայերի կողմից:

Մեր դորձակալը տեսնելով գիւղին սպառնացող վտանգը, վճռում է հեռանալ: Բայց ո՞վ է թողնողը գիւղացիք երկար ժամանակ չէին համաձայնվում. վերջը համոզվում են միայն այն պայմանով, որ իրանց կը հասցնեն մերոնց մինչեւ ապահով տեղ: Գիւղից հեռանալը մի սրտաչարժ տեսարան էր: Քահանան գնում էր առաջ ընկած՝ դէպքի համեմատ սաղմոսներ կարդալով եւ շարականներ երգելով. դրան հետեւում էին գիւղի համարեա բոլոր տղամարդիկը, իզուր էր մերոնց աղաչանքը՝ վերադառնալ գիւղ: «Չէ, թող առաջ մեզ սպանեն, յետոյ քեզ, ասում էին նրանք: Երկար գնում էին այսպէս, վերջապէս մի տեղ կանգ առան՝ այստեղից՝ նրանց կարծիքով, այլեւ վտանգ չէր սպառնում: Քահանան կարգաց իւր վերջին աղօթքը. աւելացնելով. «Գնացէք, որդիքս, Տէրն ընդ ձեզ. մեծ է զօրութիւն Քրիստոսի, Նա կ'ազատի ձեզ ամեն փորձանքներից», եւ սկսեցին համբոյրներ, մաղթանքներ...

Հեռուից լսուեց ձիաների ոտնաձայն. գիւղացիներ մի մասը դիմեց այն կողմը, որտեղից լավում էր ոտնաձայնը: Ձիաւորները մօտեցան. դրանք երկու հագի էին: Մէկը թուաւ ձիուց. «Որո՞նք են ազոնք, որո՞նք»: Տեսնելով մերոնց՝ նա սկսեց մէկ-մէկ համբուրել մերոնց, նորից համբուրել. «Փառք Քեզ Աստուած, որ կարողացայ տեսնել», ասում էր նա: Եկողը հարեւան գիւղացի Ս. աղան էր:

Իեւ գնալուց առաջ երբ Ս. աղան իմացել էր մերոնց անցնելը, խնդրել էր որ վերադարձին իրան իմաց

տան աշխատի իմաց էին տուել, նա եկել էր գիւղ եւ այնտեղ շտեմելով, շտապել էր ցոյց տուած ճանապարհով: Ես ուզում էի ձեզ տեսնելով, եղբարք, ասում էր նա համբուրուելով. մի քանի ասելիք ունիմ, հասցրէք «Ընկ.» : Ասացէք «Ընկ.» , որ այլեւս անկորող ենք տանել, թող նա գայ եւ մենք մեր կեանքը, մեր ունեցածը չունեցածը չենք խնայիլ նրան օգնելու: Եղբարք, ասել է նա, դիմելով գիւղացիներին, դուք գիտէք որ ես տարեկան այսքան կոտ ցորեն, այսքան դարի ունիմ, այսքան խուրձ եօծըս. Այլ բոլորը ես չեմ ծախելու բոլորը տալիս եմ «Ընկերութեան»: Դուրս եկան ուրիշներն էլ եւ ամեն մէկը ահագին բաժին էր հանում «Ընկերութեանը»: Նորից համոյրներ եւ վերջին հրածեալ...

Մի ուրիշ գիւղում գալիս եւ մեր գործակալի մօտ գիւղի իշխանները, աղ-սախկանները. սկսում են հարցու փորձ անել. սկզբում կասկածով են վերաբերվում դէպի մեր գործակալը, վախնալով մի գուցէ մատնիչի հետ գործ ունին բայց շուտով նրանց կասկածը փարափում է եւ նրանից մէկը հանում է ծոցից մի թուղթ ու տալիս մեր գործակալին: Սոյն թղթով գիւղացիները գիմում են «Ընկերութեանը» գանդատելով իրանց գրութիւնից. աղաչում են, որ նա շուտով գայ, խնդրում են ղէնք, խոստանալով իրանց բոլորովին նրա տրամադրութեան տակ դնել եւ օգնել թէ մարդով, թէ պաշարեղէնով. եւ այլն եւ այլն: Թղթի տակ դրուած էին բազմաթիւ կնիքներ, ստորագրութիւններ: Իշխաններից մէկը յայտնում է, որ այդ թուղթը կաղմել են իրանց միջբոլոր գիւղացիները եւ խնդրում են գործակալին, որ նա հասցնէ «Ընկերութեան»: Մեր գործակալը խոստանում է նրանց ցանկութիւնը հասցնել «Ընկերութեանը», միայն հրաժարվում է թղթից, ասելով՝ թէ ինձ կարող են այսօր կամ վաղը բռնել սպանել եւ թուլթը այդպիսով կարող է ընկնել իշխանութեան ձեռքը:

Չպէտք է կարծել, որ այս խոստումները լոկ խոստումներ են՝ հարկաւոր դէպքում ժողովուրդը չի ծանակցիլ ընդհանուր գործի. ընդհակառակն—ժողովրդի մէջ ինքնապաշտպանութեան դադափարը բաւականին զարգացած է. ահաւասիկ մի օրինակ եւս: Մեր ընկերներիս հետեւեալ դէպքը պատահեց. նրանք պահոտուել էին մի բլրի վրայ, քարերի տակ եւ սպասում էին, որ մոռթն ընկնի: Ներքեւ, դաշտումը, երեւացին երկու հայ գիւղացի, որոնցից մէկը մօտենում է բլրին, դէս ու դէն նայում, յետ դառնում իւր ընկերով մօտ եւ երկուսն էլ անցում գնում են հետեւեալ բլրին յետեւը: Չանցաւ կէս ժամ, մերոնք տեսնում են, որ նոյն գիւղացիք հակառակ կողմից փորսող տալով, մօտենում են իրանց. երբ բաւականաչափ մօտեցան, պահուցան քա-

րի տակ եւ մէկը պատրաստուեց հրացան արձակելու: Մերոնք հազիւ կարողացան համոզել նրանց, որ իրանք չորդեր չեն, այլ ջորդի հագուստ հագած հայեր: Բանից դուրս եկաւ, որ դրանք փնտրելիս են եղել իրանց կորած եղբւ եւ կարծել են թէ մերոնք են գողցել:

Բայց ի հարկէ չպէտք է մտածել, որ դարերի ընթացքում ստրկութեան դրած կնիքը բոլորովին ջրնջուել, անհետացել է: Չենք կարող այստեղ չիշատակել, որ մերոնց հետ մի երկու տեղ փորձել են վատթար կերպով վարուել: Բայց այդ փորձերը բացառութիւններ են (ապացոյց այն, որ տասնեակ գիւղերից միայն երկուսումն է այդ պատահել) և իրանց նպատակին չեն հասնում հասարակութեան ընդլայնմանը չնորհիւ: Այսպէս՝ մի գիւղում իշխաններից մէկն իմանալով որ գիւղում կան «Ընկ.» մարդկանցից, պատրաստվում է իմացում տալ իշխանութեանը, ասելով թէ ստորագրութիւն են տուել եւ իրանց վտանգ է սպառնում, եթէ չկատարեն խոստացածը: Գիւղացիներն իմանալով այդ, վերջովվում են, աշխատում են համոզել եւ երբ այդ չի յաջողվում, երիտասարդներից մէկը մտնում է իշխանի տունը. «Աղա, եկել եմ քո հոգիդ առնեմ», ասում է նա, ուղղելով ատրճանակն աղային սրտին: «Մօ՛, ին՞նք ես, որ այդքան մարդ կ'ուզես սպանել»: Աղան խոստանում է լռել:

Մենք բաւականանում ենք այսքանով, կարծելով որ այս փաստերը բաւականաչափ պարզում են ժողովրդի տրամադրութիւնը:

ՆԱՄԱԿ ՊԱՐՍԿԱՍՏԱՆԻՑ

Անցեալ Յուլիս ամսում Տաճկաստանցի մի երիտասարդ՝ Ղազար անունով, կամենալով վերադառնալ հայրենիք, միանում է Վան գնացող մի քարվանի հետ: Բայց որովհետեւ նա իւր հետ ունէր մեծ քանակութիւն «Արմենիա»-ների, այդ պատճառով նա վճռում է ճանապարհ գնալ միայն գիւղերները, եւ թիւրք-պորսկական սահմանն անցելուց յետոյ բաժանվում է քարվանից եւ շարունակում է իւր ճանապարհը մենակ: Մի քանի ժամից յետոյ յանկարծ նա հանդիպում է տաճիկ զաֆթիկների, որոնք ձերբակալում են նրան եւ լաւ ծեծելուց ու խուզարկելուց յետոյ, գտնում են նրա մօտ յիշեալ լրագրի համարները, մի ատրճանակ եւ միքանի նամակներ: Դրանից յետոյ զաֆթիկները տանում են նրան Բաշկալէ յայտնի մատնիչ Յովհաննէս վարդապետ Բազանու մօտ, որ մի ժամանակ Բարթոլոմէոսի վանքի վանահայր էր: Տեսնելով թերթերը եւ նամակները, վարդապետը յայտնում է զաֆթիկներին, որ Ղազարը յեղափոխականներից է: Երբ Գայամիամը նրան հարց-

նում է թէ՛ որտեղից եւ ուր էր տանում այդ թերթերը, նա բոլորովին սառնասիրտ կերպով պատասխանում է, թէ ինքը թափախ փաշայի մարդն է եւ այդ թերթերն ու նամակներն ուղղակի տանելու էր Վան նրա մօտ, որտեղ նրան պէտք է աջակցէր հայ յեղափոխականներին բռնելու գործում: Գայմադամը հաւատում է դրան եւ անմիջապէս հեռագրում է Վան Վալի-փաշային: Այնտեղից հեռագրում են որ ուղարկեն Ղազարին զաֆթիէների հետ առանց որեւէ նեղութիւնների: Երկու ժամ ու կէս հեռագրութեան վրայ Վանից նոր-գիւղի մօտ նրանք կանգ են առնում ճաշելու եւ հանգստանալու համար: Ճաշից յետոյ Ղազարը ինդրում է միքանի բուսիկով դուրս գալ եւ օգտուելով յարմար բուսիկից սկսում է փախչել: Չաֆթիէները, տեսնելով որ նա ուշացաւ, կասկածում են, ընկնում են նրա յետեւից ու սկսում են հրացան արձակել: Այդ ժամանակ նրանց առաջն է դուրս գալիս մի զինուորուած խուճբ հայերի, որ կռիւ է սկսում զաֆթիէների հետ: Այդ միջոցին Ղազարըն ատրճանակով սպանում է մի զաֆթիէի միւսին ծանր վերաւորում: Իրանից յետոյ խուճբը եւ Ղազարը բոլորովին անհետանում են՝ խլելով զաֆթիէներից Ղազարի բերած բոլոր թղթերը, նրանց ձիւները, հրացաններն ու ատրճանակները: Ետևում Վալին իմանում է այդ դէպքի մասին եւ 500 ձիւուոր է ուղարկում, որ գտնեն փախստականներին, բայց նրանց բոլոր ջանքերն իզուր են անցնում:

Այս դէպքը մեծ անհանգստութիւն պատճառեց Վանի կառավարութեանը:

Խմբի երեւալը բացատրվում է այսպէս, Ն. գիւղում Ղազարին երկար սպասելով սկսել են անհանգստանալ, և կարծելով, որ մի փորձանք է պատահել, խուճբն ուղարկել են նրան ազատելու եւ այդպէս էլ լինում է:

ԼՈՒՐԵՐ ՏԱՃԿՍ-ՀԱՅԱՍՏԱՆԻՑ

Թղթակցութիւն 0... գիւղից
Այնթապ գաւառի մէջ եղած ճնշումներ եւ հարստարութիւնը 1891թ. Մարտ ամսէն սկսեալ.

1. Քօջը եւ Ղարղալը գիւղի մէջ տեղ երկու մարդ չարաչար տանջանքներով կ'սպանեն քրդեր:
2. Լիզ գիւղ եւ Պողակ գիւղ արտերի մէջ քրդեր երկու մարդ կը սպանեն:
3. Երկու հայ աղջիկ Քօջը գիւղէն Սիպլիցի Աշի-րէթ քիւրդերն, բռնի եւ չարաչար տանջանքով կը տանեն եւ կը տաճկացնեն: Այս քրդերու ցեղապետ Եոսոֆ-պէյ բռնի կերպով 15 եղ կառնուէ իւր եղբօր Պօլսէն վերագառնալէն վերջ:
4. Ղարասու կոչուած գիւղում մի տուն, ամբողջ քերթաստանով քրդերի ահէն ստիպեալ կրօնափոխ էր

լինին: Մի տղայ եւս Դուկնուկ գիւղէն կրօնափոխ կը լինի մի անպարտ զրպարտութեան պատճառով:

5. Երկու գիւղ որ Ալաշկերտէն երկու եւ կէս ժամու չափ հեռաւորութիւն ունի եւ բնակիչները եւս հայ կաթողիկէ են, նոցա քահանան տէր Արամ կառավարութեան երկիւղէն ստիպեալ կրօնափոխութիւն յանձն առաւ իւր դերդաստանօք հանդերձ՝ երկու մատաղահաս տղայով եւ երկու աղջկով, իսկ մեծ տղան փախաւ. աղջիկն այժմ թուրք զորապետներու տալ յանձն կ'առնու եւ ինքն եւս Ալաշկերտի մէջ կը գտնուի՝ ունենալով մեծ պատիւ տաճիկ մուսուլման ժողովրդէն:

6. Տարապ քիւրդ գիւղի մէջ Արապ-աղայ արենարբու քիւրդը մի Բիթլիսեցի տղայ կրօնափոխելով իւր քովը կը պահէ:

7. Ոռչեան գիւղ քրդերի ահէն եւ երկիւղէն ստիպեալ կրօնափոխութեան խօսք տուած է, չկարողանալով տանել այն անտանելի չարաչարանքներն ու տառապանքները, որ նոքա կուտան խեղճերին:

8. Յամատ գիւղ Մայիսի 25-ին գիւղեր ատեն 50-ի չափ քիւրդ կուզան եւ կը պաշարեն. մինչեւ արշալոյս դնողակ կը տեղայ գիւղի վրայ, թէեւ գիւղացիք կը գիմաղրեն, բայց չունի ինքզինքնին պաշտպանելու զէնքեր, ցորեկ եւս յիշեալ քրդեր կուզան եւ կ'առաջարկեն գիւղացոց՝ կամ 100 լիւրա պիտի տաք կամ ասկից վերջ սպահով չպիտի ապրիք:

9. Ալաշկերտի մէջ մի տուն Մայիսի 22-ին կը խուզարկեն ոստիկաններ եւ զինուորներ. խիստ նեղութիւն կուտան կանանց, կը ծեծեն ու կը բռնաբարեն, իսկ մարդկանց բանտարկեր են, թէեւ ոչինչ չեն գտեր, բացի մի աղբային պատմութիւնից ու Եղիշէից գատ: Օրըստ օրէ կը սաստկանայ կառավարութեան ու քրդերու հարստահարութիւն, նամանաւնդ վերջիններն, որոնց ցեղապետք ստացան Սուլթանէն Յրդ եւ Արդ կարդի պատուանշաններ եւ վերագարձան իրենց տեղերը:

10. Ախլաթից գրում են, տեղւոյս գայմադամը Իբրահիմ բէյ անուամբ մէկը, որ Բաղիշոյ Վալլի ցեղէն է քանի մը հատ ոստիկանք խրկելով անմիջապէս ժամանակէ դուրս տուրք կը պահանջէ՝ եղներ, ոչխարք, կով կիսադին ծախել տալով: Իսկ որք չեն կարող, գայմադամ ոստիկաններուն կը հրամայէ տան մէջ փակել եւ մուխ տալ:

Բաղէշից մեզ գրում են, որ երեք Բաղիշեցի հայ վաճառականներ Վանից Բաղէշ գնալու ժամանակ քրդերը յարձակում են դրանց վրայ՝ կողոպտելու նպատակով, բայց չկարողանալով բոլորովին կողոպտել, երգեքին էլ սպանում են եւ նրանց բոլոր ապրանքը փախցնում:

Թղթակցութիւն Ալաշկերտից

Թէ՛մք կոչուած քիւրդ, երեւելի աւազակապետ՝ աշ-
նանէ սկսեալ ցարդ ինկած հայ գիւղեր, իւր տաս ըն-
կերօքն հանդերձ մի առ մի ստակ կը ժողվէ, շատ խըս-
տութիւն եւ բռնութիւն բանեցնելով խեղճ ժողովրդեան
վրայ եւ այսպիսով իւրաքանչիւր գիւղին՝ 10, 20, 30
արծաթ առնելով, կը թողնի կ'երթայ մի այլ տեղ: Այդ
տաւազակապետ քանի մի անգամ մարդ ուղարկեց մեր
գիւղը՝ Յօնճալու Տ. Գ. Քին. թէ՛ կամ 50 հատ լիրա
վճարեցէք եւ կամ ջո կեանքդ: Իսկ գալով ամառուայ
կրած գեղծումներուն թէ անասնոնց եւ թէ արմտեաց
նկատմամբ յոյժ անթուելի է: Մեր գիւղի մէջ միայն
50—60—ի չափ անասուններ գոգցան, 150—ի չափ սայ-
լից առաւել արմտի այրեցին. ամեն գիւղի առհասարակ
միեւնոյն չափով եւ ոչ նուազ վնասներ հասուցին: Ղա-
զի գիւղ մի երիտասարդ սպանեցին, Թար գիւղ մի մար-
դու դաշոյնի 25 հարուածով վիրաւորեցին, եւ այլն եւ
այլն, մեծամեծ վնասներ ու մարդասպանութիւններ կա-
տարելով: Իսկ կառավարութեան բողոք տրուած ժա-
մանակին ամենեւին ունկնդրութիւն չի լինիր եւ ի նկա-
տի չեն աննուր հայի վնասն ու տառապանքը:

Իսկ Վաղարշակերտի տեղակալ (զայի մէքամ) Ահ-
մէտ-պէյ կոչուած անձը իւր (Վաղարշակերտի) ժողո-
վուրդն աշնանէ սկսեալ ցարդ յայտնապէս կողոպտած
է՝ իւրաքանչիւր անձէն 20, 30, 40 լիրա բռնի կաշառք
առնելով եւ 20ի չափ մարդիկ եւս բանտարկելով: Վեց
ամիսէ ի վեր է որք տակաւին բանտը կը կենան, ան-
պատմելի ու հարստահարութիւնների ենթարկուելով:
Կառավարութեան կողմանէ բոլորովին արդելուած է
բանտարկեալներին հայի երես տեսնելը:

Իրկի Յարութիւն կոչուած անձի (որ այժմ Թուսաս
տան կը գտնուի) կինը կառավարութեան կողմանէ կը
կանչուի. կը հարցնեն թէ՛ ջո այր Յարութիւնը ո՛ր է,
քեզանից այժմ կ'ուզենք, նա կը պատասխանէ՝ ես ի՞նչ
գիտեմ ուր է գնացեր, նա այր, ես կին, կարող եմ իշ-
խել նրան: Այս պատճառով երկու օր կը բանտարկեն:

Վերջապէս հարստահարութիւն, բանտարկութիւն,
գեղծումն եւ այլն հայրածանք չի մնար, որ չկարտարուի
թէ քրդերի եւ թէ կառավարութեան կողմէ մեր խեղճ
հայ ժողովրդեան վրայ:

Երանոս կոչուած գիւղէն մի պատանի բռնի կրօնա-
փոխ քրին Կառավարութեան միջոցով՝ Էրզրումի Վալի
փաշայի ներկայութեամբ, որ Պարաքիլիսէ գիւղաքա-
ղաքի մէջ կը գտնուէր նոյն միջոցին:

—Որքան որ բանտարկեալ կայ թէ Կարին, թէ տեղս եւ
թէ Կոպովիտ, բոլորն ալ Կոպովիտ տարուած են: Վա-
ղարշակերտի մնացած ժողովուրդը թէ գիւղեր եւ թէ
տեղս իրենց անձին տէր չեն. կ'ըլլայ որ քանի մը աւուր
յետ ամենը բանտարկուին, ամեն օր վայնասուն, տնե-
րու մէջ խուզարկութիւն կընեն խարազանի հարուած-
ներով, խեղճ, կնանիքներ կը ծեծուին՝ հրացաններ կը-
պահէք ասելով: Ոստիկաններ գիւղեր կ'երթան, իզուր
տեղ կը շարժարեն եւ զրպարտութիւններ կ'անեն, թէ
դուք ապստամբ էք. կը խոնեն, խեղճերէն բռնի փա-
րաներ կ'առնեն, տուրք հաւաքելու համար մարդա-
զլուխ երկու-երկու հաւ կ'առնեն կ'ուտեն:

Եղբարք, որտեղ որ կը բողոքենք, մեր բողոքը մեզի
կը մնայ առանց լսելի լինելու: Եթէ երկինք բողոքենք,
ան ալ լուռ կը մնայ, եթէ երկրին բողոքենք, մեր բո-
ղոքը Եփրատայ խորշերուն մէջ կ'իյնայ եւ ալիքների
հետ մէկ տեղ կը կորսուի:

ԱՐՏԱՔԻՆ ՏԵՍՈՒԹԻՒՆ

Այն օրուանից, երբ գրուել է մեր նախընթաց հա-
մարի տեսութիւնը, Եւրոպայի արտաքին քաղաքակա-
նութեան մէջ եղան նշանաւոր դէպքեր: Եռապետեան
դաշնակցութիւնը վերանորոգուեց էլի 6 տարով: Թու-
սաստանի եւ Պրանսայի յարաբերութիւններն աւելի
սերտ բնաւորութիւն ստացան եւ հաստատուեցան Կրօն-
չտաղի օրերից յետոյ:

Անգլիան, թէեւ ըստ ամենայնի ուզում է չեզոք
գիւրք բռնել, բայց էլի իւր բոլոր հակումներով եւ նոյն
իսկ շահերով շատ մօտ է եռապետեան դաշնակցու-
թեան: Օսմանեան պետութեան բռնելիք գիրքը մինչեւ
այժմ դեռ անորոշ է և առիթ է տալիս զանազան ենթադ-
րութիւնների: Նոյն իսկ վերջերումս պատահած Թիւրք-
իայի նախարարութեան փոփոխութեան պատճառների
մասին զանազան կարծիքներ են յայտնում: Եստեղը՝
մեծ մասամբ Պրանսիական եւ ռուս լրագրները բա-
ցատրում են այդ այն յաղթութեամբ, որ ունեցաւ ռու-
սաց Ղիպլոսատիան Դարդանէլեան ջրանցքի հարցում,
եւ այսպիսով նախարարութեան փոփոխելը վերագրում
են այն հանգամանքին, որ Պրանս-ռուսական դաշնակ-
ցութիւնից յետոյ այդ երկու պետութիւնների ազդե-
ցութիւնը Սուլթանի վրայ սկսեց զօրեղանալ, այն ինչ
ընդհատապէս Անգլիայի եւ եռապետեան դաշնակցու-
թեան նշանակութիւնը եւ ազդեցութիւնը սկսեց ընկ-
նել: Իրանը ասում են որ Ջեմալ-փաշան, որ փոխարի-
նել է Քեամիլ-փաշային, յայտնի է իրրեւ ռուսաց քա-
ղաքական ազդեցութեան ջերմ կողմնակից: Քերմանա-
կոն եւ անգլիական այդ փոփոխութիւնը ներքին պատ-

Տեսնելու—Հասցանաւանի մի ուրիշ անկիւնից գրում են:
Եղբարք, թէ՛ ինչու չեմ կը գրեմ ձեզ, դուք իմացէ՛ք:

ճառներով: Նրանց խօսքերով՝ Սուլթանը մասամբ սաստիկ բարկացած լինելով մեծ վէպերի վրայ որ նա չի կարողանում վերջ դնել յաճախ կրկնուող աւազակային խմբերի յարձակումներին, միւս կողմից էլ լսելով մի ինչ-որ դաւադրութեան մասին իւր դէմ, որի մէջ մասնակցում էր իբր թէ եւ Քեամեղ-փաշան, վճռում է հեռացնել նրան եւ մինչեւ անգամ պատասխանատուութեան ենթարկել: Բացի դրանից Սուլթանը շատ անբաւական էր որ Եմենի տպստամբութիւնը մինչեւ հիմա դեռ չկարողացաւ խաղաղեցնել Քեամեղ-փաշան: Թէ այդ պատճառարանութիւններից որն է աւելի ճիշտը, դժուար է որոշել, բայց մի հանդամանք, որ կարող է ցոյց տալ, թէ այս դէպքերում քաղաքականութիւնը շատ քիչ դեր է կատարել, այդ այն է, որ արտաքին դործոց նախարարը միակն է, որ մնացել է անփոփոխ նոր նախարարութեան մէջ, — այս է Սալիդ-փաշան:

Այդ միեւնոյն ժամանակ սպառնալի լուրեր են շատումնակում դալ Բ. Դոանը թէ Կրետէ կղզուց եւթէ մասնաւոր Եմենից: Վերջինի ապստամբութիւնը շատ ծանրը հարուած տուեց Սուլթանի տիրապետութեանը Փոքր-Ասիայում: Հայաստանի դրութեան մասին Սուլթանը վերջերումս բոլորովին հանդստացած է երեւում՝ ոչ մի շարժման ճայն չլսելով. ուստի բարենորոգումների դործը նա տրամատիր է աւելի եւս յետաձգել:

Եւրոպական դիպլոմատիան դատապարտելի սառնասրտութեամբ նոյնպէս մոռացութեան է տուել Հայոց հարցը, դրադուած լինելով դանազան մանրակրկիտ շահասիրական խնդիրներով: Մի անգամ գրգռեց լրագրների մէջ, թէ մտադրութիւն կայ հրաւիրել միջազգային կոնֆերենցիա մի քանի նոր յառաջ եկած հարցեր (նրանց թուում եւ Հայոց հարցը) կարգաւորելու համար: Բայց այդ միտքն այլեւս չկրկնուեց, եւ դեռ երկար ժամանակ կը տեւի, եթէ մենք հայերս սպասենք որ Եւրոպան ինքը իւր ինիցիատիվով դրադուի Հայկական հարցով: Մենք արդէն շատ անգամ յայտնել ենք այն միտքը, որ Եւրոպան միայն այն ժամանակ լուրջ կերպով կը դրադուի մեր հարցով, երբ տաճկա-հայ ժողովուրդը ոտքի ելնելով զօրեղ բողոք կը ներկայացնի այդ Եւրոպային իւր դոյութեան պայմանների մասին, եւ զնդակները ու սրերը շնչոցի տակ կը դնի Եւրոպայի առաջ իւր պահանջները: Թող այդ միտքը լաւ ըմբռնեն մեր հարուստները եւ կեղծ-ինտելլեկտները, որոնք էրանց կողմնակները խնայելով հանդերձ միեւնոյն ժամանակ անտարբերութեամբ քարոզում են, թէ պէտք է ոչինչ չանել եւ դեռ սպասել ու յուսալ դիպլոմատիայի բարեպատեհ փոփոխութիւնների վրայ: Իսկ եթէ այդ բարեպատեհ փոփոխութիւնները մեզ բոլորովին անպատրաստ գտնեն, ինչ կ'անէք այն ժամանակ:

Եւրոպական մամուլը, որ նոյնպէս կարօտ է երբեմնական ալմկալի դէպքերի, որ դրադուի որեւէ հարցով, ի հարկէ հիմա աւելի քիչ է խօսում մեր հարցի մասին: Բայց եւ այնպէս — համակրական յօդուածներ յօդուած մեր դատի շարունակում են երեւնալ Եւրոպական թերթերում:

Այստեղ կը յիշենք միայն դրանցից մի քանիսի մասին:

Փարիզի «Օբսերվատեօր Ֆրանսէզ» թերթի Պօլսի թղթակիցն առաջ բերելով Թիւրքաց ճնշումների բազմաթիւ փաստեր, վերջացնում է այսպէս. «Թէեւ Սուլթանը յոյս դնելով գերմանացոց կայսրի վրայ մերժում է ի նկատի առնել մարդկային օրէնքներն ու քաղաքակրթութեան շահերը, այնուամենայնիւ անօդուտ չի լինիլ առաջ բերել այն հաստատ փաստերը՝ մասնաւոր իբրեւ հակապատկեր այն փքուն եւ անհիմն ներքողները, որ յայտնի Ֆրանսիական թերթեր գրում են Սուլթան Արդիւլ-Համիդի «ազատամիտ» եւ «բարեխնամ» կառավարութեան մասին»: Մի ուրիշ շատ յայտնի Ֆրանսիական թերթ նոյնպէս մի քանի սարսափելի փաստեր բերելուց յետոյ ասում է հետեւեալը. «Եթէ կայ համերաշխութիւն քաղաքակրթուած ազգերի մէջ, ապա ուրեմն պէտք է ասուի որ Հայ ազգը, որի քաղաքակրթութիւնն անցնում է նոյն իսկ Յոյն-հռոմէական ժամանակներից, անպաշտպան ենթարկուած է բարբարոսների տիրապետութեանը: Չարմանալի է որ արշաւանքներ են անում Աֆրիկայի ստրկութեան դէմ եւ անտարբեր տանում են սարսափելիքներ Եւրոպայի աչքի առաջ»: Մի անգլիացի օրիորդ Բիշոպ անունով, որ երկար ճանապարհորդել էր Տաճկա-Հայաստանում, մի դասախօսութիւն է կարդացել Լոնդոնում, որի վրայ մեծ ուշադրութիւն են դարձրել բոլոր լրագրները: Նա յայտնել է բացարձակապէս, որ «ոչ թէ միայն դոյքի, այլ եւ կեանքի լիակատար անապահովութիւն է տիրում քրիստոնէաբնակ նահանգներում»: Օրիորդը տեսակցութիւն է ունեցել Պօլսում մեծ վէպերի հետ եւ դուրս է բերել այն եզրակացութիւնը, որ նա մինչեւ անգամ տեղեակ չէր քիւրդերի այն շարագործութիւններին, որոնց մասին ինքը օրիորդը լսել էր՝ նոյն իսկ տեսել իւր ճանապարհորդութեան ժամանակ:

Ֆրանսիական մի ուրիշ թերթ հայկական հարցին մի ահալին առաջնորդող յօդուած է նուիրում, որ դրուած է շատ համակրական կերպով, եւ եթէ տեղը ներէր մենք յառաջ կը բերէինք այդ յօդուածն ամբողջովին, բայց առայժմ ստիպուած ենք այդ յետաձգել:

Վիէննա, Դաշնակցութեան ազատ տպարան: